



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Notæ In Notas Willelmi Wendrockii Ad Ludovici Montaltii  
Litteras, Et In Disquisitiones Pauli Irenæi Inustæ**

**Fabri, Honoré**

**Coloniæ, 1659**

§. VI. Consectarium sextum.

**urn:nbn:de:hbz:466:1-39536**

terialiter dumtaxat, ut vocant, non formaliter hæreticos. Longior ille dialogi tractus, quem describis, \* instituti, scilicet, inter Valerianum Magnum & Basanomenum, ab auctore suo omitti potuit; quanquam illius Lutherani placita non approbat, immò saltem tacite improbat. Centies demùm tuum illud recantas: probabile falsum peccato non eximit. Sed, si verè probabile sit, haud dubiè peccato eximit; cum ignorantia illa inculpata censeatur, quæ non modò probabile, verùm etiam errorem atque hæresim à peccato liberat.

\* Pag. 86. 87.

§. V I.

*Consectarium sextum.*

**C**RIMINATIONS & CALUMNIAS HIC ULTRA MODUM amplificas. Vis enim à Jesuitis doceri, eam quæ cuique probatur, opinionem, probabilem esse, atque adeò hæresim hæreticis esse probabilem.\*

Luculenter hallucinaris, Willeme; qui existimas, ideo aliquid reverà esse probabile, quia alicui probabile videtur. Fälleris mi homo, falleris: nullus Jesuita id tibi concedat. Nempe aliud est, ut jam dixi, esse probabile, aliud, videri probabile: nec probabile dicitur per merum respectum ad intellectum unius, sed multorum, ut constat ex iis, quæ supra digessi: alioquin idem esset probabile & improbabile, quod vel dictu ridiculum est. Scio, non nullis videri improbabile, quod aliis probabile videtur; sed alterutrum falli, necesse est; cum idem non sit, esse & videri. Nempe, quod est probabile, per respectum ad omnes mortalium intellectus probabile est; licet nonnullis certum, aliis improbabile

\* Pag. 88.

Eos. 89 † evideatur.

videatur. Pari modo, quod certum est, per respectum ad omnes certum dicitur; licet alioquin multis probabile dimittaxat videatur.

Hic etiam Jesuitas comparas cum Academicis. \* Sed ex supra dictis, ea, quæ dicis, facile refutantur; nempe Academicici id tantum curabant, non quod revera probabile esset, sed quod probabile cuique videretur. Accedit quod in religione, fide, moribus, legibus, quid quisque vellet, afferere, aut negare, liberum erat. Triumphas tamen, Jesuitis, ut putas, jugulatis, atque prostratis Augustini telo, *cui cum Jesuitis, inquis, numquam bene convenit*: scilicet cum Irenensi. Sed quam debile sit hoc telum, perspicuum est. Quid enim Jesuitis (qui cum Jansenistis, Calvinistis, Arnaldistis nunquam hactenus convenire potuerunt) quid, inquam, cum Academicis? quibus, quid quisque teneret atque probaret, quid cuique probabile videretur, vel improbabile, perinde fuit; ac proinde simul omnia approbabant & improbabant. His tamen Jansenistæ anteponendi sunt, qui errores, ut Catholica dogmata admittunt; & sententias probabilissimas communi Catholicorum usu receptas, errorum loco habent.

§. V I L.

*De probabilitibus Sententiis, Juri positivo adversis.*

**C**RAMBEM RECOCTAM DENUÒ APPONIS. VIS ENIM IGNORANTIAM, JURIS POSITIVI SCILICET, INVINCIBILEM EXCUSARE, NON TAMEN LEGIS ÆTERNÆ & NATURALIS; † JUS AUTEM POSITIVUM EST, VEL DIVINUM, UT QUÆDAM CHRISTI PRÆCEPTA, VEL HUMANUM, UT LEX ECCLESIASTICA, &

\* Pag. 89. † Pag. 89.

Civilis.